



## Mótareglur Badminton sambands Íslands

### 1. grein

Reglur þessar gilda um opinber badmintonmót sem eru háð innan vébanda Badminton sambands Íslands (BSÍ) og eru skráð á mótaskrá BSÍ. Opinber mót teljast mót, sem fleiru en einu félagi er heimil þátttaka í. Ef ekki er kveðið sérstaklega á um tiltekin atriði hér, gilda reglur Alþjóðbadminton sambandsins (Badminton World Federation) svo og móta- og keppendareglur Íþrótt- og Ólympíusambands Íslands (ÍSí) (eða reglur ÍSí þar sem við á). Þá er einnig hægt að leita til mótanefndar BSÍ ef þörf er á útskýringum á reglum þessum.

### 2. grein

- 2.1 Keppnistímabilið er frá 1. ágúst – 31. júlí ár hvert.
- 2.2 Notast skal við mótaforritið Tournamentsoftware ( [www.tournamentsoftware.com](http://www.tournamentsoftware.com) ) í öllum mótum sem eru á mótaraðum BSÍ. Hægt er að fá aðgang að forritinu hjá starfsmanni BSÍ.
- 2.3 Verði af einhverjum ástæðum að fresta móti og/eða breyta dagsetningu skal það gert í samráði við BSÍ. Rík ástæða þarf að vera fyrir færslu dagsetninga móta innan mótaraðar BSÍ. Verði af einhverjum ástæðum að fresta eða endurtaka mót mega þeir aðeins keppa sem höfðu keppnisrétt þegar mótið átti að fara fram.

### 3. grein

#### Þátttakendur

- 3.1 Alla skráningar í mót þurfa að koma frá aðildarfélagi leikmanns.
- 3.2 Mót á mótaskrá BSÍ eru opin öllum badmintonspilurum sem skráðir eru í félag innan BSÍ sem og innan vébanda Íþrótt- og Ólympíusambands Íslands enda hafi félagið staðið í skilum með skýrslugerðir til ÍSí í samræmi við gr. 8.1 í lögum ÍSí. Íslenskir ríkisborgarar sem æfa og keppa erlendis eiga ætíð rétt á að keppa hér á landi fyrir félag innan BSÍ, sem þeir eru þá jafnframt skráðir í.
- 3.3 Sérstakar þátttökureglur gilda þó um Meistaramót Íslands, Íslandsmót öldunga, Íslandsmót unglunga og Deildakeppni BSÍ.

3.4 Heimilt er að bjóða erlendum gestum þátttöku í öðrum mótum en Meistaramót Íslands, Íslandsmót öldunga og Íslandsmót unglunga. Er það þá það félag sem býður erlenda gestinum í mótið sem ræður í hvaða deild leikmaðurinn spilar í samráði við hann.

3.4.1 Erlendir gestir fá ekki stig á styrkleikalista BSÍ.

3.5 Í Meistaramót Íslands öðlast erlendir ríkisborgarar ekki þátttökurétt í Úrvalsdeild fyrir en eftir a.m.k. þriggja ára samfellda búsetu með lögheimili á Íslandi. Erlendir ríkisborgarar öðlast ekki þátttökurétt í 1. deild og 2. deild fyrir en eftir a.m.k. 12 mánaða samfellda búsetu með lögheimili á Íslandi. Viðkomandi einstaklingur verður einnig að vera skráður í félag innan BSÍ.

3.6 Í Íslandsmót öldunga öðlast erlendir ríkisborgarar ekki þátttökurétt fyrir en eftir a.m.k. 12 mánaða samfellda búsetu héraðs með lögheimili á Íslandi. Viðkomandi einstaklingur verður einnig að vera skráður í félag innan BSÍ.

3.7 Í Íslandsmót unglunga öðlast erlendir ríkisborgarar ekki þátttökurétt fyrir en eftir a.m.k. 12 mánaða samfellda búsetu með lögheimili á Íslandi. Viðkomandi einstaklingur verður einnig að vera skráður í félag innan BSÍ.

3.8 Nánari reglur er snúa að Deildakeppni Badmintonsambands Íslands má finna í sér reglugerð.

3.9 Styrkleikalisti BSÍ hverju sinni segir til um hverjir hafa heimild til að leika í hverjum flokki í viðkomandi móti. Skulu eftirfarandi reglur gilda:

3.9.1 Þeir leikmenn sem skráðir eru í Úrvalsdeild á síðasta útgefna styrkleikalista í hverri grein, hverju sinni, verða að spila í Úrvalsdeild.

3.9.2 Þeir leikmenn sem eru skráðir í 1.deild á síðasta útgefna styrkleikalista í hverri grein, hverju sinni, eiga að spila í 1.deild en geta þó valið að spila í Úrvalsdeild kjósi þeir það frekar.

3.9.3 Þeir leikmenn sem eru skráðir í 2.deild á síðasta útgefna styrkleikalista í hverri grein, hverju sinni, eiga að spila í 2. deild en geta þó valið að spila í 1. deild kjósi þeir það frekar.

Þeir mega þó ekki skrá sig í Úrvalsdeild nema :

3.9.3.1 Þeir spili með leikmanni, í tvíliða- eða tvenndarleik, sem er skráður í Úrvalsdeild.

3.9.4 Í þeim tilfellum að annar leikamaðurinn er á styrkleikalista skráður í 1. deild en hinn aðilinn í 2. deild þá geta þeir ekki skráð sig til keppni saman í tvíliða- eða tvenndarleik í Úrvalsdeild.

3.9.5 Þeir leikmenn sem ekki hafa stig á styrkleikalista BSÍ geta skráð sig til keppni í þeirri deild sem þeir kjósa.

3.9.5.1 Þegar leikmenn hafa tekið þátt í móti sem gefur stig á íslenska styrkleikalistanum fara þeir inn á styrkleikalistanum þó þeir hafi ekki unnið leik. Leikmenn eru því með stig á styrkleikalistanum svo framarlega að þeir hafi tekið þátt í móti síðastliðna 12 mánuði.

3.9.6 Leikmenn geta spilað í mismunandi deildum í mismunandi greinum. Fer slíkt eftir stöðu þeirra í hverri grein á síðast útgefna styrkleikalista.

- 3.9.7 Ef Íslendingur búsettur erlendis tekur þátt í mótí og er með stig á styrkleikalistanum en auðséð sé að viðkomandi eigi fullt erindi í Úrvalsdeild þá hefur mótisstjórn leyfi til að veita undanþágu frá reglu 3.9.3. Leikmaðurinn má taka með sér spilara úr hvaða deild sem er í tvíliða- og tvenndarleik.
- 3.9.8 Eftirfarandi gildir um takmarkanir í deildir eftir styrkleikalistanum en það er Mótanefnd BSÍ sem tilkynnir í upphafi hvers keppnistímabils um hve margir leikmenn / pör eru takmarkaðir frá hverri grein í hverri deild :

<p>Einliðaleikur karla :</p> <ul style="list-style-type: none"> <li>• Leikmenn í sætum 1 – 12 á styrkleikalistanum verða að spila í Úrvalsdeild.</li> <li>• Leikmenn í sætum 13 – 24 á styrkleikalistanum eiga að spila í 1. deild en geta þó skráð sig í Úrvalsdeild kjósi þeir það frekar.</li> <li>• Leikmenn í sætum 25 og neðar eiga að spila í 2. deild en geta þó skráð sig í 1. Deild kjósi þeir það frekar. Þeir mega þó ekki skrá sig í Úrvalsdeild.</li> </ul>
<p>Einliðaleikur kvenna :</p> <ul style="list-style-type: none"> <li>• Leikmenn í sætum 1 - 4 á styrkleikalistanum verða að spila í Úrvalsdeild.</li> <li>• Leikmenn í sætum 5 – 10 á styrkleikalistanum eiga að spila í 1. deild en geta þó skráð sig í Úrvalsdeild kjósi þeir það frekar.</li> <li>• Leikmenn í sætum 11 og neðar eiga að spila í 2. deild en geta þó skráð sig í 1. deild kjósi þeir það frekar. Þeir mega þó ekki skrá sig í Úrvalsdeild.</li> </ul>
<p>Tvíliðaleikur karla :</p> <ul style="list-style-type: none"> <li>• Leikmenn í sætum 1 – 16 á styrkleikalistanum verða að spila í Úrvalsdeild.</li> <li>• Leikmenn í sætum 17 – 32 á styrkleikalistanum eiga að spila í 1. deild en geta þó skráð sig í Úrvalsdeild kjósi þeir það frekar.</li> <li>• Leikmenn í sætum 33 og neðar eiga að spila í 2. deild en geta þó skráð sig í 1. deild kjósi þeir það frekar. Þeir mega þó ekki skrá sig í Úrvalsdeild (nema þeir spili með leikmanni í tvíliða- eða tvenndarleik sem er skráður í Úrvalsdeild).</li> </ul>
<p>Tvíliðaleikur kvenna :</p> <ul style="list-style-type: none"> <li>• Leikmenn í sætum 1 - 8 á styrkleikalistanum verða að spila í Úrvalsdeild.</li> <li>• Leikmenn í sætum 9 – 18 á styrkleikalistanum eiga að spila í 1. deild en geta þó skráð sig í Úrvalsdeild kjósi þeir það frekar.</li> <li>• Leikmenn í sætum 19 og neðar eiga að spila í 2. deild en geta þó skráð sig í 1. deild kjósi þeir það frekar. Þeir mega þó ekki skrá sig í Úrvalsdeild (nema þeir spili með leikmanni í tvíliða- eða tvenndarleik sem er skráður í Úrvalsdeild).</li> </ul>
<p>Tvenndarleikur :</p> <ul style="list-style-type: none"> <li>• Leikmenn í sætum 1 – 6 á styrkleikalistanum verða að spila í Úrvalsdeild.</li> <li>• Leikmenn í sætum 7 – 16 á styrkleikalistanum eiga að spila í 1. deild en geta þó skráð sig í Úrvalsdeild kjósi þeir það frekar.</li> </ul>

- Leikmenn í sætum 17 og neðar eiga að spila í 2. deild en geta þó skráð sig í 1. deild kjósi þeir það frekar. Þeir mega þó ekki skrá sig í Úrvalsdeild (nema þeir spili með leikmanni í tvíliða- eða tvenndarleik sem er skráður í Úrvalsdeild).

- 3.10 Á Íslandsmóti öldunga geta þeir sem eru 35 ára á árinu eða eldri keppt í flokki 35+, þeir sem eru 45 ára á árinu eða eldri keppt í flokki 45+, þeir sem eru 55 ára á árinu eða eldri keppt í flokki 55+ og þeir sem eru 65 ára á árinu eða eldri keppt í flokki 65+.
- 3.11 Um skráningu í Meistaramót Íslands gilda reglur 3.9.1 og 3.9.2 Að öðru leiti geta keppendur skráð sig í þá deild sem þeir kjósa.
- 3.12 Leikmaður þarf að vera kominn í U15 í unglingsflokkum til að hafa þátttökurétt í fullorðinsmóti.
- 3.13 Þeir leikmenn sem hafa einhvern tímamann orðið Íslandsmeistarar á efsta stigi á Meistaramóti Íslands, óháð grein, hafa alltaf aðgang að Úrvalsdeild.
- 3.14 Leikmenn sem einhvern tímamann hafa spilað í efstu deild mega ekki spila í 2. deild óháð grein. BSÍ getur veitt undanþágu, með umsókn frá félagi leikmanns.
- 3.15 Leikmaður getur eingöngu spilað í tveimur deildum á sama móti og þær deildir verða að tengjast þ.e. Úrvalsdeild og 1. deild eða 1. deild og 2. deild.
- 3.16 Séu þrír leikmenn / þör skráð í grein er æskilegt að keppni fari fram í riðli.
- 3.17 Sé einungis einn leikmaður / par skráð í einhverja grein og/eða flokk / deild þá fellur sú grein/ flokkur niður. Mótstjórn skal þá bjóða viðkomandi leikmanni / pari að skrá sig í annan flokk / deild sé þess kostur.
- 3.18 Leikmaður / leikmenn eiga rétt á, að lágmarki, 30 mínútna hvíldartíma á milli leikja í fullorðinsmótum og 15 mínútna hvíldartíma í unglingsmótum.

## 4. grein

### Skráning í mót

- 4.1 Badmintonsamband Íslands gefur út tilmæli um mótahald í upphafi hvers tímabils til félaga og mótstjórna sem ber að fylgja.
- 4.2 Þegar raðað og dregið er í mót skal nota styrkleikalistann sem er/var í gildi þegar skráningarfrestur í mótið rennur út.
- 4.3 Mótsboð skal berast BSÍ og öllum aðildarfélögum þess eigi síðar en þrem vikum fyrir mót. Mótsboðið á að innihalda upplýsingar um : Keppnisstað og tímasetningar, síðasta skráningardag, þátttökugjöld og tengilið (netfang og símanúmer) sem veitir upplýsingar um mótið. Ef mótshaldari setur sérstakar kröfur um fatnað leikmanna og auglýsingar á búninga eiga þær að koma fram í mótsboði, enda brjóti þær kröfur engar reglur BSÍ eða ÍSí.
- 4.4 Ef mótið er hluti af mótaröð BSÍ skal það koma fram í mótsboði ásamt merkjum samstarfsaðila mótaraðarinnar.

- 4.5 Aðildarfélag sem skráir leikmenn í mót ber ábyrgð á að mótsgjöld séu greidd og að forföll séu tilkynnt um leið og þau koma í ljós. Tilkynna þarf forföll til mótstjórnar í upphafi dags en ef forföll eru í fyrstu umferð móts þarf að tilkynna þau a.m.k. tveimur klukkustundum fyrir leik. Að öðrum kosti eiga mótshaldarar rétt á að innheimta mótsgjöld.
- 4.6 Senda skal tölvupóst til BSÍ, [bsi@badminton.is](mailto:bsi@badminton.is) og til þeirra félaga sem eiga keppendur á viðkomandi móti þegar niðurröðun er birt á netinu.
- 4.7 Ef leikmaður þarf að draga sig úr keppni í einni grein en ætlar að spila aðrar þá þarf að tilkynna það til mótstjórnar áður en mót hefst. Sé mót hafið og leikmaður þarf að draga sig úr einni grein þá þarf hann einnig að draga sig úr öðrum greinum sem hann er skráður í.
- 4.7.1 Mótstjórnnum er þó heimilt að víkja frá þessari reglu, þó mót sé hafið, í unglingsflokkum.
- 4.8 Þurfi af einhverjum ástæðum að draga aftur í einhvern flokk eftir að niðurröðun í mótið hefur verið birt á að senda tilkynningu þess efnis til BSÍ auk aðildarfélaganna. Ef tveir eða fleiri raðaðir keppendur forfallast er heimilt að draga aftur í viðkomandi flokk, enda sé það gert áður en mótið hefst. Á sama hátt er heimilt að draga aftur ef forföll í riðlakeppni eru of mikil að mati mótstjórnar.
- 4.9 Ef forföll verða, er mótstjórn heimilt að bæta við leikmönnum í staðinn eða sameina lið þegar forföll verða í þeim báðum, enda hefði hið sameinaða lið eða einstaklingurinn ekki fengið hærrí röðun en þegar dregið var í mótið.
- 4.10 Ef spil er hafið í einhverri grein má ekki bæta við leikmanni / leikmönnum í þeirri grein eða sameina lið. Mótstjórn hefur þó leyfi til að víkja frá þessari reglu ef liðið hefur ekki hafið leik.
- 4.11 Mótstjórn er skipuð af mótshaldara. Ávallt á einn aðili að vera titlaður mótstjóri.
- 4.12 Ef mót er í samvinnu BSÍ og aðildarfélags á stjórn BSÍ að skipa mótstjórn í samráði við aðildarfélagið. Mótstjórnin ásamt aðildarfélagi mótsins sér um framkvæmd mótsins og fær til liðs við sig þá sem aðstoða við mótið svo sem dómara, teljara, línudómara og annað starfsfólk.
- 4.13 Þegar ekki er yfirdómari er mótstjóri jafnframt yfirdómari. Ef mótstjóri er einnig yfirdómari þá getur sá ekki tekið þátt í mótinu sem spilari.

## 5. grein

### Mótaskrá og úrslit móta

- 5.1 Úrslit leikja á að uppfæra reglulega á [www.tournamentsoftware.com](http://www.tournamentsoftware.com) og skulu þau birt svo fljótt sem unnt er.
- 5.2 Í mótaskrá sem hangir upp á mótstað skal koma fram ef mótið er hluti af mótarið BSÍ ásamt merkjum stuðningsaðila mótaraðarinnar.

- 5.3 Mótsstjórn á að sjá um að mótsboð séu rétt gerð, yfirfara skráningu, sjá um að draga í mótið í samræmi við gildandi reglur og gefa út mótaskrá. Draga á í mótið ef unnt er a.m.k. þremur dögum áður en mótið hefst. Mótsstjórn á að senda félögum sem eiga keppendur í mótinu, svo og BSÍ, uppkast af mótaskránni þegar dregið hefur verið í mótið. Viðkomandi aðilar eiga þá kost á að gera athugasemdir.
- 5.4 Mótaskrá á að gefa út eigi síðar en þremur sólarhringum áður en mót hefst. Birta á tímasetningar leikja a.m.k. tveimur sólarhringum áður en mót hefst.

## 6. grein

### Íslenski styrkleikalistinn

- 6.1 Þeir leikmenn sem taka þátt í mótum sem eru á mótaskrá BSÍ fá stig sem gilda inn á íslenska styrkleikalistann samkvæmt 7. Grein.
- 6.2 Fullorðinsflokkar:
- 6.2.1 Flokkaskiptingar í fullorðinsflokkum eru eftirfarandi:
- Úrvalsdeild
  - 1. Deild
  - 2. Deild
- 6.2.2 Á Meistaramóti Íslands er keppt í eftirfarandi flokkum :
- Úrvalsdeild
  - 1. Deild
  - 2. Deild
- 6.2.3 Á Íslandsmóti Öldunga er keppt í eftirfarandi flokkum :
- 35+
  - 45+
  - 55+
  - 65+
- 6.2.4 Á Íslandsmóti unglunga er keppt í eftirfarandi flokkum :
- U 11 Einlið-, tvíliða- og tvenndarleik.
  - U 13 Einlið-, tvíliða- og tvenndarleik.
  - U 15 Einlið-, tvíliða- og tvenndarleik.
  - U 17 Einlið-, tvíliða- og tvenndarleik.
  - U 19 Einlið-, tvíliða- og tvenndarleik.
- 6.2.3 Íslenski styrkleikalistinn er árslisti í fullorðinsflokkum þar sem mótin falla út að ári liðnu. Fimm bestu mót keppenda síðastliðna 12 mánuði mynda listann.
- 6.2.4 Leikmenn fá alltaf stig sem einstaklingar á styrkleikalistanum í öllum greinum.
- 6.2.5 Þeir leikmenn sem eru efstir á styrkleikalistanum í hverri grein í lok tímabils hljóta titilinn Bikarmeistari / -ar í viðkomandi grein.

6.2.5.1 Efsti leikmaður á styrkleikalistanum í einliðaleik karla og kvenna.

6.2.5.2 Efstu tveir leikmennirnir á styrkleikalistanum í tvíliðaleik karla, tvíliðaleik kvenna og tvenndarleik.

### 6.3 Unglingaflokkar:

6.3.1 Flokkaskiptingar í unglíngaflokkum eru eftirfarandi:

- U11 Snáðar og Snótir (yngri en 11 ára – 31. Desember)
- U13 Hnokkar og Tátur ( 11 og 12 ára – 31. Desember)
- U15 Sveinar og Meyjar ( 13 og 14 ára – 31. Desember)
- U17 Drengir og Telpur ( 15 og 16 ára – 31. Desember)
- U19 Piltar og Stúlkur ( 17 og 18 ára – 31. Desember)

6.3.2 Leikmönnum er heimilt að spila upp fyrir sig í samráði við þjálfara.

6.3.3 Færsla milli aldursflokka fer fram 1. september ár hvert.

6.3.4 Í öllum greinum hljóta leikmenn alltaf stig sem einstaklingar á styrkleikalistanum.

6.3.5 BSÍ ákveður röðun í fyrsta unglíngamót hvers tímabils.

6.3.6 Einstaklingar fá eingöngu þau stig skv. stigagjöf þess flokks sem sá er skráður í. Ef einstaklingur spilar upp fyrir sig og vinnur þá fær hann þau stig, annars bara stig úr sínum flokk.

6.3.7 Taka þarf tillit til styrkleikalista fullorðinna, þannig að ef leikmaður í einliðaleik karla er í sæti 30 eða ofar á styrkleikalista fullorðinna og í einliðaleik kvenna í sæti 15 eða ofar þá skuli þeim raðað fyrst eftir styrkleikalista fullorðinna og síðan skal raða öðrum leikmönnum eftir styrkleikalista unglínga. Á þetta eingöngu við um einliðaleik.

6.3.8 Ofangreint á við um A mót unglíngaflokka.

6.3.9 Í B. flokki unglínga mega þeir leikmenn taka þátt sem ekki hafa leikið til úrslita í A flokki á móti í einhverri grein.

## 7. grein

Stigagjöf íslenska styrkleikalistans :

7.1 Stigagjöf styrkleikalista fullorðinna:

Stigagjöf listans byggir á stigagjöf Alþjóðabadmíntonsambandsins (BWF)

Flokkur / Deild	1.sæti	2.sæti	3. til 4. sæti	5. til 8. sæti	9. til 16. sæti	17. til 32. sæti
Úrvalsdeild	9.200	6.900	4.600	2.760	1.380	920
1. Deild	4.000	3.000	2.000	1.200	600	400
2. Deild	1.700	1.275	850	510	255	170

Eftirfarandi tafla gildir um þátttökustig í fullorðinsmótum en þessi stig fá þeir leikmenn sem ekki fá önnur stig.

<b>Úrvalsdeild</b>	500
<b>1. Deild</b>	250
<b>2. Deild</b>	125

## 7.2 Styrkleikalisti unglunga :

Stigagjöf listans byggir á stigagjöf Alþjóðabadmintonsambandsins (BWF)

Flokkur	1. sæti	2. sæti	3. til 4. sæti	5. til 8. sæti	9. til 16. sæti	17. til 32. sæti
<b>U19</b>	9.200	6.900	4.600	2.760	1.380	920
<b>U17</b>	5.500	4.125	2.750	1.650	825	550
<b>U15</b>	4.000	3.000	2.000	1.200	600	400
<b>U13</b>	2.500	1.875	1.250	750	375	250

Eftirfarandi tafla gildir um þátttökustig í mótum en þessi stig fá þeir leikmenn sem ekki fá önnur stig.

<b>U19</b>	500
<b>U17</b>	375
<b>U15</b>	250
<b>U13</b>	125

## 7.3 Leikmenn sem tapa fyrsta leik í útsláttarfyrikomulagi fá þátttökustig, aðrir leikmenn fá stig sem samsvarar þeim sætum sem þeir lenda í.

Við útreikning stiga í riðlakeppni þarf að taka til hliðsjónar með hvaða hætti framhaldsspil er eftir riðlakeppni, samanber viðauka A\*.

Leikmenn sem lenda í neðsta sæti síns riðils í riðlakeppni fá þátttökustig, aðrir leikmenn fá stig sem samsvarar þeim sætum sem þeir lenda í, samanber viðauka A\*.

## 7.4 Verði leikmenn / pör jöfn að stigum í riðlum þá gildir eftirfarandi

7.4.1 Ef tveir leikmenn / pör hafa unnið jafnmarga leiki í riðli, þá gildir innbyrðis viðureign þeirra á milli um hvor raðast hærra.

7.4.2 Ef þrír leikmenn / pör eða fleiri hafa unnið jafnmarga leiki í riðli, þá gildir mismunur af unnum lotum og töpuðum.

7.4.2.1 Séu tveir leikmenn / pör enn jöfn þá gildir innbyrðis viðureign þeirra á milli um hvor raðast hærra.

7.4.3 Ef þrír leikmenn / pör eða fleiri hafa unnið jafnmarga leiki í riðli og mismunur af unnum lotum og töpuðum er sá sami, þá gildir mismunur á unnum stigum og töpuðum.

7.4.3.1.1 Séu tveir leikmenn / pör enn jöfn þá gildir innbyrðis viðureign þeirra á milli um hvor raðast hærra.

7.4.3.1.2 Séu þrír leikmenn / pör enn jöfn þá skal varpa hlutkesti um röðun leikmanna.

## 7.5 Séu leikmenn ekki á styrkleikalistanum og skrá sig í mót og taka þátt í því (þ.e. ekki förföll), þá fara þeir inn á styrkleikalistann, í þeirri grein/-um sem þeir tóku þátt í.



7.6 Sé leikur gefinn eftir að búið er að draga í mót telst það sem unninn leikur.

## 8. grein

### Röðun í mót

- 8.1 Raða skal eftir styrkleikalista BSÍ í þau mót sem eru á mótaröð BSÍ. Jafnframt skal taka tillit til styrkleikalista BWF, þannig að ef keppandi/par er í sæti 200 eða ofar á styrkleikalista BWF þá skuli þeim raðað fyrst eftir Styrkleikalista BWF og síðan skal raða öðrum keppendum/pörum eftir styrkleikalista BSÍ.
- 8.2 Ef keppendur/pör eru jafnir/jöfn að stigum skal raða þeim/því ofar sem fékk fleiri stig í viðkomandi keppnisgrein á síðasta móti.
- 8.3 Raða má að hámarki tveimur þegar keppendur eru 2-15, fjórum þegar keppendur eru 16-31, átta þegar keppendur eru 32-63 og 16 þegar keppendur eru 64 eða fleiri.
- 8.4 Við staðsetningu þeirra sem fá röðun gildir eftirfarandi :
- 8.4.1 Raða skal tveimur efstu leikmönnum / pörum eftirfarandi :
    - 8.4.1.1 Röðun 1 er staðsett efst í dráttinn
    - 8.4.1.2 Röðun 2 er staðsett neðst í dráttinn
  - 8.4.2 Um aðra leikmenn / pör sem hljóta röðun gildir :
    - 8.4.2.1 Röðun 3 og 4 eru dregin með hlutkesti í þá tvo fjórðunga sem eftir eru .
    - 8.4.2.2 Röðun 5 til 8 eru dregin með hlutkesti í þá áttundu hluta sem eftir eru.
    - 8.4.2.3 Röðun 9 til 16 eru dregin með hlutkesti í þá sextánda hluta sem eftir eru.
- 8.5 Um staðsetningu annarra leikmanna / para, en þeirra sem fá röðun, skal draga óháð félagi eða styrkleikalista. Mótsstjórn hefur leyfi til þess að „separate by club“ tveim sterkustu frá sama félagi í fyrstu umferð, í hverri grein.

## 9. grein

### Dómarar – Línuverðir – Teljarar

- 9.1 Leitast skal við að hafa dómara á öllum leikjum í Úrvalsdeild.
- 9.2 Dómarar skulu hafa lokið viðurkenndu dómaranámskeiði á vegum BSÍ , Badminton Europe eða Badminton World Federation.
- 9.3 Leitast skal við að hafa dómara á úrslitaleikjum í öllum deildum.
- 9.4 Ef ekki fást dómarar á leiki, er æskilegt að hafa teljara á öllum leikjum.
- 9.5 Ef enginn dómari er á viðkomandi leik þá dæmir leikmaður/leikmenn alla bolta sín megin á vellinum með heiðarleika og samvirkusemi að leiðarljósi. Hann er jafnframt ábyrgur fyrir talningu á sínum stigum.
- 9.6 Mótsstjórn getur óskað eftir aðstoð keppenda við talningu, einkum þegar sá leikmaður hefur lokið leik. Viðkomandi leikmanni er skylt að verða við þeirri ósk.

9.7 Í mótum þar sem ekki eru notaðir línuverðir í öllum leikjum skulu þeir vera til taks ef leikmaður, þjálfari eða dómari biður um þá.

9.8 Leitast skal við að línuverðir séu ávallt 14 ára á árinu eða eldri og hafa hlotið viðeigandi kennslu.

## 10. grein

### Um aðstoðarfólk / þjálfara

10.1 Að hámarki mega tveir vera til aðstoðar hverjum leikmanni/pari meðan á leik standur.

10.2 Eftirfarandi gildir fyrir aðstoðarfólk / þjálfara varðandi tilsögn á mótum.

- U11 / U13: Aðstoðarmenn / þjálfarar mega einungis segja til á milli lota.
- U15: Aðstoðarmenn / þjálfarar mega segja til í hléi í 11 og á milli lota.
- U17 / U19: Aðstoðarmenn / þjálfarar mega segja til í hléi í 11, milli lota, svo og meðan bolti er ekki í leik.
- Fullorðinsflokkar: Aðstoðarmenn / þjálfarar mega segja til í hléi í 11, milli lota, svo og meðan bolti er ekki í leik.

## 11. grein

### Félagaskipti leikmanna

11.1 Félagaskipti leikmanna skal tilkynna til BSÍ með því að aðildarfélög og leikmaður fylli út þar til gert félagaskiptaeyðublað sem má finna á heimasíðu BSÍ. Sé um erlenda leikmenn að ræða, þurfa þeir að hafa formlegt leyfi síns sérsambands til félagaskiptanna, þar sem jafnframt fylgi leyfi til keppni á Íslandi.

11.2 Einungis er hægt að skipta einu sinni um félag á keppnistímabilinu.

11.3 Félagaskipti taka 30 daga að ganga í gegn frá því viðkomandi félög hafa tilkynnt BSÍ um þau.

11.4 Einungis er leyfilegt að keppa fyrir eitt félag, þrátt fyrir að viðkomandi geti verið félagsmaður í öðru félagi á sama tíma.

11.5 Upplýsa skal um öll félagaskipti á heimasíðu BSÍ.

11.6 Komi upp ágreiningur um félagaskiptin skal stjórn BSÍ úrskurða í málinu innan mánaðar frá því að ósk um félagaskipti berst. Úrskurði þessum getur íþróttamaðurinn eða aðildarfélög BSÍ kært til dómstóls ÍSÍ.

## 12. grein

## **Fatnaður og auglýsingar:**

- 12.1 Almennt eru tvíliða- og tvenndarleikspör hvött til að klæðast sama lit á bol svo og sama lit á stuttbuxum/pílsi.

## **13. grein**

### **Mótmæli og kærur**

- 13.1 Keppendur, þjálfarar og yfirdómari hafa heimild til að gera athugasemdir við framkvæmd móts. Ef ekki er orðið við þeim athugasemdum má vísa málum til stjórnar BSÍ.
- 13.2 Með öll önnur ágreinings- og kærumál innan badmintonhreyfingarinnar skal farið skv. 4. kafla í lögum ÍSÍ um dómstóla ÍSÍ.

## **14.grein**

### **Framkoma og viðurlög**

- 14.1 Keppendur skulu koma heiðarlega og drengilega fram við keppinauta sína. Keppendur skulu sýna dómurum og starfsmönnum móta tilhlýðilega virðingu og eigi fara niðrandi orðum um þá eða áhorfendur. Keppendur og aðrir þeir sem koma að framkvæmd badmintonmóta skulu hafa siðareglur ÍSÍ og hegðunarviðmið í heiðri og haga störfum sínum og framkomu í samræmi við það sem þar kemur fram ( [www.isi.is/fraedsla/sidareglur-isi/](http://www.isi.is/fraedsla/sidareglur-isi/) ). Einnig skal fara eftir reglum Alþjóðabadmintonsambandsins um sama efni ( [www.corporate.bwfbadminton.com/statutes/](http://www.corporate.bwfbadminton.com/statutes/) ) . Mótsstjórn svo og Stjórn BSÍ getur ákveðið viðurlög vegna brota á þessari grein.

*Mótareglur þessar voru samþykktar af stjórn BSÍ á stjórnarfundum þann 5.september 2022.*

*Þar sem um nýjar reglur og nýtt keppnisfyrirkomulag er að ræða áskilur Stjórn BSÍ sér rétt til breytinga sé þeirra þörf. Séu einhverjar athugasemdir við reglurnar berist þær til skrifstofu BSÍ.*